

یوہ آکا شوانی جموں ہے محمد اشفاق نے نصرت چوہدری تیں خبر سُنو۔

HEADLINES

- ۱۔ وزیر اعظم ریندر مودی نے اج نویں دہلی مانہ قومی گیت وندے ماترم گا 150 سال پورا ہون ور ایک جشن گو افتتاح کیو۔
- ۲۔ لیفٹیننٹ گورنر منوج سنہا نے نوجوانان نانہ اپیل کی جے وے بھارت کی ترقی تے اس گا درخشاں مستقبل خاطر اپنو کردار پیش کریں۔
- ۳۔ وزیر اعلیٰ عمر عبداللہ نے اج بڈگام اسمبلی حلقہ مانہ 11 نومبر نانہ ہو رہیا ضمنی انتخابات گے پیش نظر ایک ریلی سنگ خطاب کیو۔
- ۴۔ بی ایس ایف گا آئی جی سشانک آنند نے دسیو جے 2025 آلی بی ایس ایف دوڑ 9 نومبر نانہ جموں مانہ منعقد کی جے غی۔
- ۵۔ پیرا ارچر شیتل دیوی نے تاریخ رقم کرتا واں پیرا ارچر بارے ایشا کپ بین العوامی مقابلہ مانہ اپنی جگہ بنالی ہے۔

PM VANDE MATRAM

وزیر اعظم نریندر مودی نے نویں دلی مانہ قومی گیت وندے ماترم گا 150 سال پورا ہون ور ایک سالہ جشن گو افتتاح کیو پورٹل in۔ اس موقع ور وزیر اعظم نے یاد گاری ڈاک ٹکٹ تے ایک سکو وی جاری کیو اس سلسلہ مانہ وندے ماترم 150 وی جاری کیو جس ور عوام قومی گیت نانہ گاہ گے اپلوڈ کر گے سند وی حاصل کرسکیں گا اجلاس سنگ خطاب کرتا واں اس موقع ور وزیر اعظم نے اس طرح کہیو۔

LG VANDE MATRAM

لیفٹیننٹ گورنر منوج سنہا نے اج وندے ماترم گا 150 سال پورا ہون ور ایک تقریب کی صدارت کی یاہ تقریب محکمہ ثقافت کی طرفوں ابینوو تھیٹر جموں مانہ منعقد کرائی گئی تھی اس موقع ور ایل جی موصوف نے قومی گیت کی تاریخی تے ثقافتی اہمیت نانہ آجگر کیو تے بھارت کی آزادی ور اس گا نمایاں کردار ور لوکھلی اس دوران انہاں نے اس گیت گا لکھاڑی رشی بنکم چندر نانہ خراج عقیدت وی پیش کیو تے کہیو جے بھارت کی آزادی مانہ ان غی کوششاں نانہ نظر انداز نہیں کیو جاسکتو تقریب سنگ خطاب کرتا واں لیفٹیننٹ گورنر منوج سنہا نے کہیو جے نوجوان قومی اقتدار نانہ برقرار رکھن تے بھارت گا درخشاں مستقبل خاطر اپنوں کردار پیش کریں اس اجلاس گے دوران رکن اسمبلی تے دیگر کئی رہنما ات موجود تھا۔

CAMPAIGNING BY POLLS

جموں کشمیر مانہ 11 نومبر نانہ نگرولی تے بڈگام اسمبلی نشستیں ور ضمنی انتخابات خاطر مہم تیز ہو گئی ہے اس ضمن مانہ سیاسی جماعت ووٹراں توڑی پیجن خاطر ریلی تے جلسا منعقد کرائی ہیں یاد رے جے نگرولہ اسمبلی دیو ندر سنگ رانا گا انتقال توں بعد خالی ہوئی تھی جد کے بڈگام اسمبلی نشست نانہ وزیر اعلیٰ عمر عبداللہ نے گاندربل اسمبلی حلقہ انہ برقرار رکھتا واں خالی چھوڑ دتی تھی اس سلسلہ مانہ دواں حلقاں مانہ بھر پور انتخابی مہم جاری ہیں اس دوران نیشنل کانفرنس گا امیدوار کی انتخابی مہم گے دورا ایک ریلی سنگ خطاب کرتا واں سی ایم نے اس طرح کہیو۔

SATISH SINGLE WINDOW

انتظامی کارکردگی بہتر بنان واسطے انتظامی اصلاحات معائنہ تے تربیت بارے وزیر ستیش شرما نے اج ایک اعلیٰ سطحی میٹنگ کی اس میٹنگ مانہ جموں کشمیر مانہ پرتھی غا قواعد بنان تے ترمیم کرن واسطے سنگل ونڈو ڈیجیٹل نظام غا مجوزہ منصوبان غو جائز و لیو گیو۔ اس نوا نظام گو مقصد پرتھی غا عمل نانہ آسان بنانو، تاخیر نانہ کپٹ کرنو تے تمام سرکاری محکمان مانہ شفافیت تے یکساں طریقہ نال اس غا نفاذ نانہ یقینی بنانو ہے وزیر شرما نے محکمان غے بشکار بہتر رابطہ صحی وقت ور نگرانی تے عوام توڑی منظور شدہ قواعد نانہ آسانی سنگ پُجانو ہے یو نظام موجودہ ای آفس نظام تیں جُر جے غو۔ جس تیں پرتھی تیں متعلق تجاویز نانہ تیزی تے زمی داری نال پورو کرنو ہے۔

JMU BDF MARATHON

پہلی واری جموں مانہ بی ایس ایف میراتھن 2025 گو انعقاد کیو جارہیو ہے جہرو سرحدی مرکزی دفتر بی ایس ایف جموں غی جانب تیں منعقد ہو رہیو ہے یاہ دوڑ 9 نومبر انہ بی ایس ایف کیمپس پلوڑ ہ جموں تیں جاری وے غی میراتھن مانہ 4 قسم غی دوڑ وے غی 42 کلو میٹر، 21 کلو میٹر، 10 کلو میٹر تے 5 کلو میٹر۔ اس مانہ جموں گا سرحدی علاقہ پڑوسی ریاست تے ملک بھر غا لوک حصو لے سکیں۔ پلوڑا کیمپ مانہ اج ایک پریس کانفرنس رکھی گئی تھی جس غی صدارت بی ایس ایف جموں گا انسپکٹر جنرل سشانک آنند نے کی انہاں نے اس بارے مزید اس طرح کہیو۔

SHEETAL ASIA CUP

پیرا ارچر شیتل دیوی نے ایک ہور رکوٹ نانہ پار کرتا وان تاریخ رقم کی ہے کیوں جے وے پیرا ارچر بارے عالمی چیمپین مانہ حصو لین آلی پہلی بھارتی پیرا اتھلیٹ خاتون بن گئیں یاد رے جے شیتل دیوی آتے مہینے جدہ مانہ شروع ہون آلا ایشیا کپ گا سٹیج 3 واسطے جونئیر ارچر تیم گو حصو بنیں ہی قابل ذکر ہے جے جموں کشمیر توں تعلق رکھن آلی شیتل دیوی نے چار روزہ انتخابی ٹرائیل مقابلہ نانہ پار کرن توں بعد خواتین بارے جونئیر کمپائینڈ درجہ بندی مانہ تیجو مقام حاصل کیو ہے۔

JHIRI MELA FOOD SAFETY

عقیدت مندان تے زائری واسطے صاف تے محفوظ کھان نانہ یقینی بنان واسطے خوارک غی حفاظت بارے محکمہ جموں نے خصوصی مہم شروع کی ہے میلہ مانہ خوارک غی حفاظت بارے موبائل وین تعینات کی گئی ہیں جہڑی موقعہ ور کوارک گا نمونہ غی جانچ کر رہی ہے تانجے صفائی گو معیار برقرار رے۔ نال ہی ایک اندراج بارے میلو لایو گیو جت خوارک غا کاروبار کرن آلاں لوکاں نانہ فوری طورور ایف ایس ایس اے آئی غو سرکاری رجسٹریشن دتو جارہی وے

تانجے اُن گو کاروبار قانونی طور پر اندراج ہو جے اس مہم غو مقصد میلہ مانہہ محفوظ خوراک نانہہ یقینی بنانو تے
لوکان مانہہ خوارک غی حفاظت بارے آگاہی پھیلاو ہے۔

DIGITAL LIFE CERTIFICATE

جموں کشمیر حکومت ن ے ڈیجیٹل لائیو سرٹفکیٹ مہم 4.0 شروع کیو ہے تانجے پنشن لین آلا افراد نانہہ ڈیجیٹل سرٹفکیٹ
بنان بارے ترغیب دتی جاسکے اس واسطے جیون پرمان تے آدار فیس آر ڈی موبائل ایپ استعمال کیو جاسکے یاہ مہم
وزارت نے عملہ عوامی شکایت تے پنشنراں غے نال مل غے شروع کی جس غو مقصد پنشن سرٹفکیٹ بنان غا عمل مانہہ
آسانی کرنی ہے، تانجے بزرگ افراد نانہہ بینک تے ٹریزر غا دفتر جان غی لوڑ نہ ہے ہُن پنشنر کود اپنا لائیو سرٹفکیٹ
آن لائن بنا سکیں گا یے طریقہ زیادہ آسان تیز تے بغیر کاغز غا ہیں۔ سرٹفکیٹ لاونلوڈ کرن
غی ویب سائٹ ور جیں- <http://jeevanpraman.gov.in> واسطے

DM FIRECRACKERS

ضلع مجسٹریٹ پونچھ اشوک کمار شرما نے آگلا احکامات توڑی ضلع بھر مانہہ پٹا خاں گ ا فروخت تے استعمال ور مکمل
پابندی عائد کر دتی ہے یوہ فیصلو سننیر سپرائٹنگٹ کی رپوٹ گے بعد کیو گیو ہے جس مانہہ کہیو گیو تھو کہ بیاہ گا
جاری سیزن گے دوران متہ پٹاخہ نال فوج تے حفاظتی دستہ مانہہ الجھن پیدا ہوسکے جہڑی دہشت گردی نال متعلق یا
فائرنگ گا کسے وی واقعہ گو فوری جواب دین گی اُن گی صلاحیت نانہہ ممک طور متاثر کرسکے بھارتیہ شہری تحفظ
سہیتا گی دفعہ 163 گے تحت نامز کردہ پابندی فوری طور ور نافذ عمل ہے افسراں نانہہ آگاہی پھیلاو گی ہدایت دتی گئی
ہے تے ڈی ایم نے کہیو جے اس ضمن مانہہ خلاف ورزی ور کاروائی کی جے غی۔

GST

جدید دور غی جی ایس ٹی اصلاحات تیں عام عوام نانہہ بڑی راحت لبی ہے روز مرہ غی ضروری اشیاء جسراں کہ صحت
بارے انشورینس دوا، تعلیم، زرعی سامان تے بجلی گا آلات ور ٹیکس کٹ کردتو گیو ہے مختلف طبقاں نے اس فیصلہ
گو خیر مقدم کی وہے اُن غو کہنو ہے کہ اس قدم تیں عام عوام نانہہ کافی راحت لبی ہے۔

NEWS READ BY MOHD ISHFAQ
NEWS READ BY NUSRAT
NEWS EDITOR ABHILASHA SHARMA
SKILLED RAJAT
TECH ASST GOKUL
DEO NUSRAT